



partii naleraq

6. august 2020

UKA2020/69

Inatsisartut suleriaasianni § 33 naapertorlugu Naalackersuisut peqquneqarnissaannik Inatsisartut aalajangiiffigisassaattut siunnersuut matumuuna imaattoq saqqummiuppara:

Atuarfik pillugu Inatsisartut inatsisaat nr. 15, 3. December 2012- meersoq naapertorlugu Naalackersuisut nalunaarummik saqqummiuseqqullugit peqquneqarnissaannik Inatsisartut aalajangiiffigisassatut siunnersuut. Nalunaarummi aalajangersagaqassaaq nalilersuinermut immersugassamik ilitsersuutitalimmik pilersitsisoqassasoq pitsaasutsimik nalunaarusiortarnermut ilaatinneqartussamik, meeqqat atuarfianni siulersuisuisut, pisortat ilinniartitsisullu ineriartortitsinermi atortagassaannik.

(Inatsisartut ilaasortaq Jens NapätôK')

Tungavilersuut:

Naalackersuisut Ilinniartitaanermut Pilersaarutaat II 2018-imeersup misissornerani Partii Naleqqap maluginiarsimavaa 2013-imiit 2016-imut ukioqatigiiaat 10 - 15%-ii taamaallaat atuarfimmit tungaviumiit inuusuttut ilinniartitaanerini aallartsittarput. erseqqissassavara 40 – 45% -it nunatsinni imaluunniit Danmark-imi efterskolernerimik aallartitsisaraluartut ilinniartut 40%-iisa missaat taamaallaat Meeqqat atuarfiata kingorna ukiup ataatsip qaangiunnerani ilinniartiffinni ingerlaqqiffiusuni aallartitsisimasarput.¹

Taamaattumilli Partii Naleqqami isumaqarpugut politikikkut qanoq iliuuseqartugut atuartut piginnaasaasa pitsaanerulernissaannut ineriartortinnissaannullu tungavisseeqataasussanik. Maannakkut meeqqat atuarfiat pillugu nalunaarsuutit naatsorsueqqissaarnerillu katersorneqarput Atuarfik pillugu Inatsisartut inatsisaat nr. 15, 3. December 2012-meersoq naapertorlugu pitsaassutimik nalunaarusiat aqutigalugit, alloriarnerni misilitsinerit misilitsinnernilu angusat katersorneqarput pineqartoq ilisimasaqarfigilerumallugu. Tamanna Ilinniartitaanermut aqutsisoqarfimmiit ingerlanneqarpoq kommunalbestyrelsenullu nassiunneqassalluni. Pitsaassutimik nalunaarusiortarnerup siunertaraa kommunalbestyrelsit atuarfik pillugu akisussaffimminnik isumaginninnerisa nukittorsarnissaa taamaalillutik atuartut piginnaasaqarfiisa killiffiinik siunertaqarluartumik malinnaatitsivigisarnissaannut periarfissanik pilersitsisarniassammata.

Aqutsineq naatsorsuutigisamut naapertuuttoq pitsaassutsimik nalunaarusiamik aallaaveqassaaq, kisiannili tamanna pissappat pitsaassutsimi nalunaarusiami naliliisarnermut immersugassamik

¹ <https://naalackersuisut.gl/~media/Nanoq/Files/Publications/Uddannelse/Uddannelsesstrategi%202018.pdf>



partii naleraq

naleqqussarsinnaasumik ilitsersuutitalimmillu peqarnissaq saneqqunneqarsinnaanngilaq, tassani faginut ataasiakkaanut kiisalu faginut ataatsimoortunut siunnertat erseqqissarsimasut periarfissaasariaqarput, tassaassappullu atuartut alloriarfinni inaarutaasumillu misilitsinnerini ilisimassassatut piginnaasassatullu naatsorsuutigineqartutut angusimasassaasa nalunaarsorsimaffissai.

Ilikkagassatut pilersaarutit ilinniartitsisut ingerlaavartumik naliliisaneranni tunngavigineqassapput, kiisalu alloriarfinni marlunni ingerlaqqilernermi misilitsittarnerni aamma aallaaviussallutik. Tamatuma uppersarpaa ilikkagassatut pilersaarutit qanoq pingaartigineri, tassami ilikkagassatut pilersaarutit nutarterneqarsimanngikkaangata ilinniartitsisut atuartitsinnerminni naapertuuttunik illersorsinnaasumillu atuartitsinissaminnik atortussaqaartassanngillat.

Ilikkagassatut pilersaarutit ilinniartitaanermut aqutsisoqarfiup nittartagaani Iserasuaammi² takuneqarsinnaapput, taakkulu alloriarfinni ataasiakkaani atuartitsinissamut siunertanut naapertuussorisanut atuartitsinissamut tikkuussisuupput, fagit immikkoortitaarneri, fagit ataasiakkaat, ataatsimoortullu siunertaat alloriarfinni ataasiakkaani, atuartitsinissamut naliliisarnermullu ilitsersuutit ilikkagassatigut anguniakkat aallaavigalugit ilitsersuutitaqarlutik aaqqissuuneqarsimallutik.

Partii Naleraq sinnerlugu taamatut oqaaseqareerlunga maani inersuarmini aaliangiiffigisassatut siunnersuut pillugu oqallinnissaq ammarpara.

Namminersorlutik Oqartussani allaffissornikkut aningaasqarnikkullu kingunerisinnaasaa:
(AC-mik) sulisumut ataatsimut ukiup affaata ukiullu ataatsip akornanni naleqassasoq naatsorsuutigineqarpoq.

Suliffeqarfinnut namminersortunut allaffissornertigut aningaasarsionertigullu kingunerisinnaasaa: Soqanngilaq

Innuttaasunut allaffissornertigut aningaasarsionertigullu kingunerisinnaasaa: Soqanngilaq

² <http://iserasuaat.gl/da/Foer-%20og%20Folkeskolen/Undervisning%20og%20materialer/Laereplaner>